

捨去九

入海採珠以濟貧苦十

坐海以救估客十一

從池涌出現長舌相十二

牧牛小兒善說般若義弘廣大乘十三

文殊變金光首女令成醜壞一

上金光首與長者子畏間俱在遊觀園散華

燒香莊嚴妓樂時彼女人觀長者子意以為

足文殊師利舊經云化此女身應時終云顏

色變惡眼耳鼻口膿血流出身體腫爛不可

復視青蠅飛來周匝共食時長者子見此女

身變壞如是怖懼不安欲求自歸濟脫是患

當從何所而免斯苦時文殊師利童真威神

令園樹木自然出讚時長者子聞樹讚頌歡

喜踊躍善意即生以衣裓盛女人死屍棄叢

樹間而捨之去於是世尊欲以開化彼長者

子從身放光其明普照竭國界長者子見

如來威神巍巍心生歡喜其天帝釋則在前

立見長者子而歎之曰年少善緣獲得福利

乃能見佛時彼年少聞此勸讚即與天帝俱

詣佛所帝釋天意華用與年少言可取此華

散如來上散已替首佛足前住白言今自歸

佛及法聖眾有放逸女上金光首實與戲樂

詣遊觀園則於今日顏兒變惡即時壽終捨

諸一切宗室眷屬發大恐懼將無國王推問

之耶佛言且止時上金光首見長者子已蒙

開化隨從律教即與妓樂往詣佛所替首佛

足退住一面時文殊師利謂長者子曰為識

此姊不答云已知之矣又問云何知乎於是

長者子報文殊師利而說頌曰

靈九

二

色者如聚沫 痛痒泡起頃 幻相如野馬

吾曉知如是

佛告阿難文殊師利乃往古世勸化此女使

發道意吾本前世而勸化之使發道意上金

光首過九十二百千劫當得作佛号寶光明

長者子當為菩薩名德光耀其後作佛未滅

度時授德光耀菩薩之決乃般泥洹号曰持

燄出大淨法門品經

文殊現身諸刹取鉢弘教二

有二百天子發菩薩心而未堅固皆欲墮落各自念言佛法難得我等今定不學菩薩不如取羅漢辟支佛而般泥洹佛知是人可成

菩薩而意中退佛便化作一迦羅越持百味飯滿鉢到佛前而便作禮以鉢上佛佛即受鉢文殊師利白言世尊當故報恩舍利弗疑即便問佛佛即以鉢捨地其鉢便下沒過諸刹直過七十二恒沙等刹土名曰漚呵沙其佛号曰光明王今現在世其鉢於彼佛刹住

止空中亦無持者鉢所過諸佛刹其佛侍者皆問於佛佛答言上方有佛号釋迦文鉢從彼來救護墮退菩薩意耳佛語舍利弗行求鉢來舍利弗即承佛威神自以慧力以萬三昧過萬佛刹都不見鉢從三昧起還白佛言求之不見復遣目連亦復不見須菩提等五

靈九

三

百尊者悉不能見彌勒菩薩又不能見令文殊師利求鉢文殊師利不起于座即入三昧以其右手指地下行過諸佛刹莫不聞知所過刹土皆為震動凡諸刹土皆見文殊過七十二恒河沙其臂上毛一一毛間有億百千光明億百千蓮華一蓮華上有坐菩薩悉歎釋迦文佛功德聲聞菩薩及以刹土時釋迦文放足下光明照下方過七十二恒河沙等刹見其光明悉得摩訶三昧文殊師利以右手取鉢與無央數菩薩俱來鉢在手中作禮授鉢佛謂舍利弗今為汝說過去劫事往昔有佛号勇莫能勝有比丘僧名曰慧王持鉢入惟致國中分衛得百味飯尔時有尊者子名離垢王為乳母所抱在城門上其兒遙見比丘而從抱下便往趣之求其飲食比丘即以蜜餅授之其兒則食知味甘美隨比丘行不顧乳母便隨至勇莫能勝佛所為佛作禮而坐一面比丘所以持鉢食與是小兒令

其上佛兒便授佛佛食隨滿以是遍八萬四千比丘及菩薩萬二千人各各皆飽其兒所持食猶無減損佛以威神令兒歡喜因從比丘受五戒法發善提心見父母求子為佛作禮子白父言我今已得入菩薩法願作沙門父母即聽吾等亦為發心從汝佛言慧王比

丘文殊師利是其時兒者我身是也如我身等不可稱數阿僧祇刹土諸佛悉為文殊師利之所發動我等悉蒙文殊師利之恩其二百天子即時自念釋迦文佛為文殊師利之所發意自致成佛我等何為懈怠用是念故其心則堅出阿闍世王經上卷

普賢誓護五種法師三
普賢菩薩以自在神通威德名聞與大菩薩不可稱數從東方來所經諸國普皆震動兩寶蓮華作眾妓樂又與無數八部鬼神等大衆圍遶禮釋迦牟尼佛白佛言我於寶威德上王佛國遙聞此娑婆世界說法華經共來

靈九

四

聽受唯願世尊當為說之佛告普賢若有善男子女人成就四法於如來滅後當得是法華經普賢菩薩言若有行立讀誦此經思惟此經若人於此經有所忘失一句一偈大菩薩衆俱詣其所而自現身供養守護安慰其心亦為供養法華經故還令通利見者歡喜

轉復精進以見我故即得三昧及陀羅尼若後惡世中四衆來求索者受持者讀誦者書寫者欲修習是法華經於三七日中應一心精進滿三七日亦當現其人前而為說法法華經第七卷

淨精進化財功德久忍眾苦四

過去劫時佛号廣光明菩薩行經云離垢光國王之子名財功德菩薩行經云善首時年十六自恃端正自生憍慢初不向佛恭敬禮拜佛即行籌誰能教化八萬四千菩薩無受籌者有一菩薩名淨精進言我能即時大十六反震動便往王門立王子見之惡言訾毀以土塗面刀杖瓦

石而加其身菩薩亦時不瞋不去心不疲厭
經一千年受如是苦過二萬歲乃得至彼第
二門下八萬四千年七日未滿方得至其第
七門下亦時王子見是菩薩便作是言道士
今來何所求索即於菩薩生不思議心云何
是人終經亦時多受眾苦而心不疲厭亦時

靈光

五

菩薩知王子心已自調伏即便說偈令往詣
佛亦時王子即捨王位在佛法中出家聽法
如法而住得無生忍亦時淨精進者我身是
也財功德者即彌勒是

出大集經第二十六卷又出調伏王子道

心經菩薩行經大同

樹提摩納手出龍象五

樹提摩納在寶藏佛前右膝著地長跪叉手
前白佛言世尊我今發無上菩提心成就善
根於三乘法若我所願得已利者令我兩手
自然而出白色龍象以佛力故其兩手中即
出龍象其色純白七處到地見是事已告言
龍象汝等今者可昇虛空去此不遠遍雨此

界八德香水覺悟此界一切眾生若有眾生
得遇一滴聞其香氣悉斷五蓋所謂姪欲瞋
恚睡眠掉戲疑是時龍象在虛空中周旋速
疾猶如力士善射放箭是二龍象所作諸事
悉成就已復還來至摩納前任時樹提見之
心大歡喜

出樹提摩納發善提誓願經

普施求珠降伏海神以濟窮乏六

昔者菩薩從四姓生墮地即日眾生萬禍吾
當濟之無明無法吾當除其盲聾令之聞見
眾聖明範九親驚曰未聞孩幼而能言斯將
非天龍鬼神之靈乎當卜之焉荅曰吾為上
聖之所化懷普明之智非彼眾妖慎無疑矣

言畢即默親曰兒有軋坤弘潤之志將非凡
夫乎名曰普施年至十歲佛諸典籍流俗眾
術靡不貫綜辭親濟眾布施貧乏親曰吾有
最富之上名也亦可恣意對曰不足乞作沙
門垂資法服應器錫杖以斯濟眾生父母聽
之周旋教化經一大國國有豪姓亦明眾書

觀其儀容普施心性淡泊淨若天金有上聖之表將為世雄謂普施曰吾有陋女願給箕箒答曰大善須吾還也即附載渡海上岸入山到無人處遙觀銀城宮有毒蛇繞城七匝體大百圍舉首相看普施念曰斯有害心吾當與慈蛇毒即滅垂首而眠登首入城城中

靈九

六

天神觀之欣豫曰久服聖德今來翔茲誠吾心願願留三旬普施以事委付近臣身受供饌時供養畢以明月珠一枚送之曰珠明四千里志願若發衆寶滿足若後得佛願為弟子普施曰可即復前行觀黃金城毒蛇圍城十有四匝巨軀倍前舉首數丈普施復入慈定蛇即垂首登之入城中有天人相見歡喜曰久服靈耀翔茲甚善願留百八十日吾所供養過是辭退天人復以神珠一枚送之明耀八十里志之所願衆寶滿中若子得道願為弟子神足無上即復前進觀琉璃城又有毒蛇軀以繞城二十一匝舉首眼目當彼城

門復生慈定誓濟衆生毒歇垂首登之入城天人欣喜如前請留三時願供所志期竟辭退又送神珠明耀百六十里珠之所在衆寶尋從滿其明內在志所欲無求不獲子得正覺願為弟子有最明之智曰必獲亦願普施得珠乃其舊居海諸龍神僉會議曰吾等巨

海唯斯三珠為吾榮華道士悉得吾等寧當都亡諸寶不失斯珠海神化為凡人當普施前日吾聞仁者獲世上寶可得觀乎即以示之神搏手奪取普施曰吾歷險跨海乃獲斯寶欲濟困乏反為斯神所見奪乎曰亦還吾珠不者吾竭介海神曰巨海深廣孰能盡之

靈九

七

天動作風普施曰吾於錠光佛前願得道力反覆衆海指擢須彌震天地移諸刹佛從吾志今得之矣今介鬼物絲髮之力焉能過吾正真之勢乎即併兩足標溟海水投鐵圍外遍淨天曰吾昔於錠光佛前聞其志願必為世尊度吾等衆生即下助其溟水十分去八

海神怖曰斯水盡矣吾居壞也即還其珠尋路布施所過之國無復貧民處處諸王無不改操以五戒十善為國正法開獄大赦潤達眾生遂至得佛普施我身是父者即白淨王是母者即吾母舍妙是道士女今瞿夷是時銀城中天者今阿難是金城天者目連是瑠

璃城天者舍利弗是

出度無極集第一卷又出賢愚經

重勝王與女人一處為阿難所譏七

阿難白佛憶念我昔入舍衛城見重勝王菩薩與女人同床我謂犯穢心用惟慮得無異人學梵行者於如來教將無造見聞想念發斯語時三千大千世界六反震動時重勝王

菩薩即自踊身住於虛空中去地四丈九尺報阿難曰犯禁穢者寧能踊身止虛空乎在如來前阿難投身即自悔過如何偏見求大龍短佛告阿難彼女人者乃往過去世為重勝上百生之偶宿情未拔貪重勝頰口發誓言重勝王若與我願得遂所娛當從其教時

重勝王心知其念晨朝正服入之其室即時頌曰

我愚悖於欲 諸佛所不歎 能蠲恩愛者

得佛人中上

時女喜踊即從座起自投于地歸命自責伏

罪悔過為重勝王而歎頌曰

吾已離諸欲 世尊之所歎 節止恩愛著

願佛無上道 前心之所想 今自首悔過

傷愍諸羣生 究竟發道意

尔時重勝王授彼女決轉此女身後九十九

劫當得作佛号離無數百千所受如來出上

菩薩經上卷

靈九

八

大薩他婆渡海船壞熱身濟眾八

釋迦牟尼佛為菩薩時名大薩他婆當渡大

海惡風壞船諸眾賈人捉我頭髮手足當渡

汝等人人捉已以刀自煞大海水法不傳死

屍即時疾風吹至岸邊出大智論第四卷

菩薩端坐山中鳥孺頂上于未能飛終不捨

去九

菩薩在山慈心端坐思惟不動鳥孺頂上覺鳥在頂懼知墜落身不移搖捨身而行彼處不動及鳥生翅但未能飛終不捨去如是自知便說此偈
若能辦此事 於天人中天 能不觸燒彼

此德無有上

是故彼世尊

最為第一神

故在道場處

功德皆備具

出僧伽羅刹經上卷

入海採珠以濟貧苦十
吾從無數劫以來精進求道初無懈怠自致得佛超越九劫出彌勒前我念過去時國人貧窮生憐愍心乃欲入海求如意珠衆人大

會望風舉帆詣海龍王從求頭上如意之珠龍王聞其欲濟窮士即以珠與時諸賈客各各采寶悉皆具足乘船來還海中諸龍及諸神鬼悉共議言此如意珠海中上寶非世俗人所當獲者云何損海益閻浮利誠可惜之當作方計還奪其珠不可失之時諸龍鬼晝

靈九

九

夜圍遶欲奪其珠導師德尊如意珠力不能奪之度海既畢菩薩踊躍住於海邊低頭下手呪願海神以珠繫頸時海龍神因緣得便使珠墮海導師感激吾行入海乘船涉難勤苦無量乃得此寶當救衆乏於今海神及令隨海勅邊侍人捉持器來吾卷海水令至底泥不得珠者終不休懈即便卷水不惜壽命水自然起悉入器中諸海龍神見之懷懼此人威勢精進之力誠非世有水不火竭即持珠來辭謝還之吾等聊亦相試不啻精進力勢如是天上天下無能勝君導師獲寶賢還國中使兩七寶以供天下莫不安隱時導師者即我身是

出生經第一卷

坐海以救估客十一

昔者菩薩與五百商人入海採寶入海數月獲寶重載將旋本土道逢飄風雷電震地水神雲集四周若城眼中出火波涌灌山衆人啼曰吾等死矣恐怖易色仰天求哀菩薩愴

然心生計曰吾之求佛但為衆生耳海神所惡死屍為其危命濟衆斯乃開士之尚業矣吾不以身血注海惡海神之意者船人終不被于岸謂衆人曰尔等屬手相持并援吾身衆人承命菩薩即引刀自害海神惡焉漂舟上岸衆人普濟船人抱屍號哭曰斯必菩薩

非凡庸之徒也蹀躞呼天寧令吾等命殞于兹無喪上德之士矣其言真誠上感諸天天帝釋觀菩薩之弘慈帝釋下曰斯至德菩薩將為聖雄今自活之以天神藥灌其口中并通塗屍菩薩即蘇忽然起坐與衆相勞帝釋以名寶滿其舟中千倍于前即還本土九親相見靡不歡悅周窮濟乏惠逮衆生顯宣經教開化愚冥其國王服菩薩德詣稟清化君仁且忠率土持戒家有孝子國豐毒歎黎庶歡喜終生天上長離衆苦菩薩累劫精進不休遂至得佛煞身濟衆者吾身是也天帝釋者彌勒是也五百商人者今座中五百應真

靈九

十

是也

出煞身濟估人經又出度無極集

從地涌出現長舌相十二

時千世界微塵等菩薩摩訶薩從地涌出二心合掌瞻仰尊顏而白佛言我等於佛滅後世尊分身所在國土滅度之處當廣說此經我等亦自欲得是真淨大法受持讀誦解說書寫而供養之尔時世尊於文殊師利等無量百千萬億舊住娑婆世界菩薩及諸聲聞人非人等一切衆前出廣長舌上至梵世一切毛孔放無量色光皆悉遍照十方世界衆寶樹下師子座上諸佛亦復如是出法華經第六卷牧牛小兒善說般若義弘廣大乘十三

昔有比丘精進持戒初不毀犯住在精舍所可讀誦是般若波羅蜜有聞此比丘音聲莫不歡喜有一小兒始年七歲城外牧牛遙聞比丘誦說經聲尋聲詣寺聽聞即解見大歡喜便問比丘答不可意小兒反說其義甚妙昔所希聞比丘聞之歎此小兒乃有智慧非

是凡人時兒即去還至牛所所牧牛犢散走入山兒尋其迹值虎被害生長者家第一夫人作子夫人懷妊口便能說般若波羅蜜從朝至暮初不懈息其長者家素不奉法怪此天人謂口妄語呼為鬼病卜問譴崇無能知者家中內外皆悉憂惶是時比丘入城分衛詣長者門遙聞經聲心甚喜悅即問長者內中誰說深經其聲微妙長者報言婦得鬼病晝夜妄語口初不息比丘報言此非鬼病但說深經甚有義理疑此夫人所懷妊兒是佛弟子長者意解即留比丘與作飲食日月滿足乃產一男又無惡露其兒適生又手長跪說般若波羅蜜夫人產已還復如本如夢寤已了無所識長者集僧觀兒說經初無質礙是時眾僧各各一心觀此小兒長者問言此為何等比丘荅曰真佛弟子慎莫驚疑好養育之此兒後大當為一切眾人作師吾等悉當從其啓受至年七歲悉知微妙與眾超絕

智度無極諸比丘等皆從受學經中誤脫有所闕少皆為刪定足其所乏兒每出入有所至止輒開化人使發大乘長者家室內外大小五百人眾皆從兒學發大乘意悉行佛事兒所教授城郭市里凡所開發無上道意者八萬四千承受弟子者五百人諸比丘聞之意解志求大乘皆得法眼淨佛告阿難是時小兒者吾身是也時比丘者迦葉佛是也即解經

經律異相卷第九

靈九

孺而注濡首上正衣裓得反痛痒下音漚河

上烏反此下上天比刪反定上所反訾反毀上音掉
 戲上徒反孩下幼上戶反軋下坤反苦反綜反子反垂反賚下
 代反淡下泊反箕下帚上居其跨反苦反化反錠反光上
 定反指下擢下音遇鳥葛標下漂上音薛反愚悖下
 沒反蠲反玄反脚音儉然狀反初反援音殞反敏反譴崇
 上丘疔反下雖速反

上末

經律異相卷第九

靈九

經律異相卷第十

靈十

梁沙門寶唱等撰

隨機現身上菩薩部第三

能仁為帝釋身度先友人一

能仁為姪女身轉身作國王捨飼

鳥獸二

益一

益一

釋迦為薩婆達王割肉質鷹鳥三

文殊為少年身化金首女四

一切妙見為盲父母子遇王獵所

射五

曠野等為殊形化諸異類六

婆藪為仙人身度六百二十万賈

客七

為轉輪王身發願布施八

為國王身以眼施病人九

為國王身治梵志罪十

為國王身捨國城妻子十一

為國王身化濟危厄十二

為蓮華太子身以髓施病人十三

為王太子身出血施病人十四

能仁為帝釋身度先友人一

菩薩為天帝釋志存苦空非身之想坐則思

惟遊則教化愍愚愛智精進無休觀其宿友

受婦人身為富姓妻惑乎財色不覺無常居

市坐肆帝釋化為商人婦人要坐商人熟視

而笑婦乃怪之側有一兒播鼗躍戲商人復

笑有人父病子以牛祠商人亦笑有一婦人

抱兒兒刮母頰血流交頸商人復笑是富姓

妻問曰君住吾前含笑不止屬吾搏兒何以

見笑商人荅曰卿吾良友今相忘乎婦人悵